



Il parsura da la Lia Rumantscha Johannes Flury.

MAD

Trais models per democratisar la Lia Rumantscha

■ (rtr) La Lia Rumantscha duai d'aver pli democratica e represchentar meglier ils Rumantschs e las Rumantschas. Quai è ina da las finamiras principalas dal nov president Johannes Flury. Il zercladur hai perquai dà ina dieta publica davart tge che fiss da far. Uss èn trais propostas sin maisa.

Ina radunanza da delegads redimensiu-nada, in parlament rumantsch ubain ina radunanza cun delegads be ord las uniuns territorialas – quai èn las propostas ch'èn sin maisa. Las trais propostas vegnan preschentadas als delegads a chaschun da la radunanza la fin d'october. Els han lura la pussaivladad da sa decider per ina da quellas, da tschertgar in cumpromiss da tuttas trais ubain da decider ch'i resta tut sco fin qua.

Radunanza da delegads redimensiu-nada

Quai è la proposta che la suprastanza da la Lia Rumantscha preferiss. Ella preveda:

- be pli 32 enstagl da 65 delegads
- nagins delagads da la Agentura da novitads (anr) rumantscha e nagins dal cussegl grond

- il temp d'uffizi dals delegads vegniss limità sin trais periodas a trais onns
- La radunanza da delegads redimensiu-nada fiss il pli da manavel a la situaziun actuala.

Parlament rumantsch

In parlament rumantsch fiss la pli gronda midada structurala:

- be pli 16 parlamentararis enstagl da 65 delegads
- trais fin quatter sessiuns ad onn enstagl d'ina fin duas radunanzas
- nagins represchentants da l'anr e dal cussegl grond
- Proposta da la Pro idioms: delegads principalmain da las uniuns territorialas. Ils delegads derivassan principalmain or da las regiuns da tschep dal rumantsch.

39 enstagl da 65 delegads

- Uniuns tematicas sco la Juventetgna Rumantscha u la Societad Retorumantscha vegnissan integradas en las uniuns territorialas (Engiadina/Val Müstair, Surses/Sutselva e Surselva)
- Cifras da represchentants sa basan sin la dumbraziun dal pievel da l'onn 2000.